

Te taata' toa, e ere te Tavana e te haava, o tei hanaaro i te hoe hohoa o tei enei *vea*, afaui mai ia e 3 farane no na avae etoru.

Faaui mai ia Tepito te nenei parau i Papeete.

TE VEA NO TAHITI.

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo taao, e te mau taata e haapao i te tauira raa taao, e tia ia ia nenei atoa hia ta ratou mau parau faaite i roto i renei *Vea*, ia afaui mai ratou 1 farane no te reni hoe.

Faaui mai ia Tepito te nenei parau.

PARAU PARAU NO TE HAU.

FAATOROA RAA.

No te faatia raa a tona hanahana, Pomare, te Arii vahine o te mau fenua Totaiete, e te Tavana, te Auvaha o te Emepera.

Ua faatoroa hia o Honohe, ei mutoi no Papeete.

E afaui te Tavana, te Auvaha o te Emepera na teienei taata toroa, i na farane e toru hanero e ono ahuru i te matabiti hoe.

E papai hia te hohoa o teienei parau toroa i te biopoa raa, e i te fare toroa o te de.

Na te Arii vahine o te mau fenua Totaiete, e te Tavana, te Auvaha o te Arii Emepera, tei moe e i l'enei.

Papahia: PARAITA Auvaha. Papahia: PAGE.

Papahia te hohoa i te fare toroa o te de.

Te de o te Tavana,

Papahia: BUOT.

NO TE ANANI.

Te faaite hia i tu nei teienei parau i to Tahiti nei, tei papai hia mai i te raatira papai *VEA* nei, e tehoe taata baratane hoo taao i Papeete, o Evani te ioa. Te hio paatoa nei hoi tatou mai te maere rahi, i te huru ino roa raa o te anani i teienei anolau, e te ereere roa raa, e te ninaimoa raa hia, tei parau hia e to Tahiti nei e, e *tutae ro*. No taua maa ino ra hoi, i iti roa i te pahi anani i teienei matabiti, no te mea, eita roa i tu taua mau anani ereere ra, e rave hia i Tarifonia. I teienei ra, e tamata na to Tahiti i taua raa nei e tia; e ere hoi te ravea rave ata, e i manuia ra, e faufaa rahi ia ta outou e roaa mai, no te mea, e rahi faahou mai ia te pahi anani i Tahiti nei.

Teie ra te huru o taua parau i papai hia mai-ra.

E te raatira papai *VEA* e!

A faaati haere iho ai au i te fenua nei, mauui roa tura to u au i te hio raa i te ino e te pau rahi o te anani; ua ninaimoa'nae hia te rahi. O te tumu hoi o taua ino ra, o tehoe ia manumanu ili, o te tau haere i nia i te rau, e te mau amaa.

Te manao nei ra vau e, te vai nei tehoe ravea, e pee e atu ai taua mau manumanu rii iino ra. Teia taua ravea ra, e paraihua i te tumu o taua anani ra i te pua parai fare nei, e ia tae i te bua raa ra, e tutii i tehoe maa paura i raro ae i taua tumu ra, ia pee haere hoi te au, e ati noa'e te mau amaa' toa.

E ere hoi tei reira te ohipa teiaha, e i manuia

ra, e faufaa rahi roa ia te roaa mai. I ore hoi i manuia ra, eita a ia te tumu e ino.

Ia ora na oe.

NA J. L. EVANS.

O te huru ia o tona manao. I teienei ra, e mea maitai roa ia tamata to Tahiti nei, tae i oi te pee e taua ino rahi i nia i te anani nei.

PARAU RII API.

Ua iciti hia mai teienei mau parau rii api no roto i tehoe niupepa baratane.

O Mlle de Montigo, i Gerende tona fanau raa i te matabiti 1827 e vahine nehenehe rahi oia e te mata au maitai, e te ioio maitai hoi o tona buru; e hohoa mata hinuhinu e te au maitai tona, e itea i tona huru baratane, e no te nehenehe e te au maitai o tona haapao raa, e itea i e no roto mai oia i tehoe fetii maitai; e te itea pahu hia ra i roto iana te mau mea maitatai atoa e roaa mai no roto i to aau mararama.

I roto i te piha vai raa hohoa o te mau raatira rarahi no te nyo te faatia raa hia te oroa faaipoipo raa. O Miti Fould, te papai parau rahi o te Hau, tei haamana hia ei pope i taua oroa ra: ua tanturu atoa hia mai oia i Miti Baroche, te peretiteni o te Apoo raa o Miti Fould; na te Emepera iho oia i maiti. Ua putupeputa atoa mai te fetii o te Emepera, te mau taua rahi pope, te mau raatira rarahi no te nuu fenua, te mau peretiteni no te pupu toroa o te Hau, te fetii atoa hoi o Mlle de Montigo, vetahi mau taata mana no Pannora e te feia mana i tona hia mai i reira no te mau Hau atoa i te tae raa mai i taua oroa ra. Ua faaue atoa hia hoi o Miti Fould, e e tuu atu i te vahine a te Emepera ra, i te hei hupoo fatu hia i te tiamani, ei tapao no tona mana api.

Na te orometua rahi o te pope i Pari i faatia i te faaipoipo raa te orometua, i roto i te fare pure raa rahi tabito ra o *Notre-Eame*.

I te mau vahi atoa i te haere raa tu, e taata rahi roa ia tei aroha i tu i te Emepera, mai te pii e: « ia ora te Emepera! ia ora te Emepera vahine! ua faaunauna hia e ua faanoho maite hia te mau aroa i te mau tire una una atoa; ua pee mai te mau raatira rarahi i te pereoo o te Emepera, tei faaunauna hia i te mau mauhaa o te Hau Emepera, mai te nenei atoa hia teienei tau leta rii N. E.

Ua faaahu hia te Emepera i te ahu, mai to te mau raatira rahi nuu ra; e mea faahiahia rahi roa te nehenehe o te ahu o te Emepera vahine; e hei nehenehe rahi roa tei tuu hia i nia iho i to-

na rouru hinuhinu maitai; e 600,000 farane te hoo, e 40,000 farane te hoo i te faaunauna i nia i tona ahu.

Parau rii api no te mau fenua Tuamotu.

Teie mai nei te pahi iti tira piti o te hau ra o *Hydrographe*, tomana Parchappe, mai te fenua Tuamotu mai. ua hope te rahi o taua mau fenua ra i te tapae haere hia e ana; raverahi te tavana e te mau iriti ture i horo mai na nia i taua pahi iti ra i Papeete nei, te vahi e haaputupu hia ai te Apoo raa iriti raa ture. Hoe mau haere taata i nia iho, e te hoe mau taata tei hoo atoa mai no te hoe fenua iti itea ore hia o Okaina, ua haere tehoe mau taata no Takume i reira i te tahi mau avne i mairi aenei, e te feia matamua ia i tae atu i reira. Ua hinaaro te toopae o taua mau taata no taua fenua ra i te haere mai e maitai i Tahiti nei, e te mau mea faahiahia i roto. Te parau i parau hia ra, e ua pau roa to Ana i te horo i te mau fenua ee, e haavare ia; te haere maira ra, to te tahi iho mau fenua i reira, e te itoito ra hoi i te rave raa i te ohipa, hoe ahuru tane mori i roaa maira i te taata hoo taoo o Miti Rousseau, te maitai ra te mau mea toa, e aore roa e ino e tupu ra i reira; no reira i manaohia e, e mea tia ia a'o atu i teienci mau parau rii i te mau taata no te Tuamotu. Ia faaau ratou i te parau no te hoo raa i te mori, te parau e te mau taata toa o to ratou ra mau fenua i te mau papaa hoo taoo i Tahiti nei, e au ia ratou ia ui haere i te hoo o taua mau taata na ratou ra, e o te ore roa hoi e hooa; e no reira i rahi ai to ratou veve e la ratou faufaa ore, i ore i roaa'ria ratou te mau mea atoa e maitai ai te tino nei, e te ahuru hoi no ratou. Te au ra ia rahi te roaa raa mai te faufaa i te mau taata no teienci mau fenua, e e riro to ratou mau iriti ture i te parau i te mau mea e faufaa hia' ratou, ia puluputu mai te Apoo raa iriti raa ture, e ia tia ia ratou i te parau.

NO TE MAU HAAPII RAA.

I na avae i mairi aenei, ua huru taiva paatoa ia te mau tamarii i roto i te mau haapii ra. I teienci ra tau mahana i mairi aenei, te huru rahi roa ra ia te tamarii tei haere maite i te haapii raa, te tamarii tamabine, e te tamarii tamaroa toa hoi. No teie ra hoi mau numero i muri nei, e itea i te itoito raa o te mau Grometua, o te rahi raa hoi ia o te tamarii i roto i taua mau haapii raa ra.

IOA MATAEIN	Rahi raa o te tamarii.
Hitiaa	53
Mahana	40
Tiarer	60
Papenoo	60
Haapape	60
Arue	100
Papeete	151
Faaa	65
Punaauia	90
Paea	106
Papara	93
Papeurri	94
Papeari	50

I te mahana 29 no Ianuari i mairi aenei, i haaputupu ai te Emepera i te feia rarahi mana o te hau, i roto i tona ra ao rai, e ua faateatu oia ia ratou i tona faaipoipo raa fatata, i te nao raa tu e.

I mutaiho ra, ua faaipoipo haere ia te mau Arii i te mau tamabine Arii o te mau fenua ee; ua na'eira ratou ma te hinaaro e, e faarahi roa i to ratou ra mana; e manao e ra tou, te manao nei hoi au e, eia roa tei reira e riro ci faufaa, e riro ra ei ino taua mau faaipoipo raa ra, o te maitai atura o te fetii tei imi hia, e ere e, o te maitai o te mau hau. O te haapao raa titiaifaro tia maitai ra, e te maramarama te mea maitai, e o tau a ia e haapao. Hoe noa'ho a ra vahine, tei here hia e te taata toa, e o te vai maite mai a te manao raa i roto i te mau a'u atoa i teienci a notau, o te vahine ia a te raatira rahi nuu ra, a Bonaparte, e i muri ae hoi, riro atura ei Emepera vahine no to Farani; e ere oia i to te fetii Arii, e nia hoi, te faatura noa hia nei a tona roo e te taata toa. E vahi maere rahi roa hoi te hio raa e, mai na matahiti mai a e 70 i mairi aenei, ait: roa tu i maitai noa e te hopea o te mau tamabine Arii o te fenua ee, tei riro mai ei mau Arii vahine no Farani; ua hope anae ratou i te tiavaru e hia, e aita i faa'o faahou hia mai i Farani nei.

Ia taea roa ra i tehoe taata, mai ia u nei, te tia raa teitei o te mau ui arii tahito ra, ia teoteo maite ia taata i tona ra tumu e tiai, tia tura hoi ia tona faaite raa i mua i te aro o to Europa taata, e o oia te maiti hia e te hoe hau rahi taatoa. E ore ra vau epee i te haapao raa a te mau Arii na mua ia'u. te hinaaro nei ra vau, e ia riro to'u nei faaipoipo raa ei ohipa piri raa ore; e no reira vau i maiti ai i tehoe tamabine api no Hisepania ei vahine nau; e Farani tona aau, e Farani oia i te paeau o te haapii raa, e i te toto atoa hoi o tona metua i te manii raa a faatia oia i te Hau Emepera ra. No te i raa hoi o tona aau i te mau maitatai atoa, e riro ai oia ei unaua no tau terono; e i te mahana etupa ai te hepohepo, e riro a ia oia ei turu etaela; e katolika oia, e ofahi a ia a maua pure i te tau raa tu i te Atua, ia maitai to ratou nei fenua. No reira vau i haere hua mai ai, e faaite papu atu ia outou e, ua hau ae tou hinaaro i teienci vahine here e te faatura hia e au, i tetahi atu vahine itea ore hia e au; a faaipoipo noa tu ai hoi au i tei reira, e riro ia taua maitai ra i te anoi atoa hia i te ino. I teienci ra, a haapao ai au i te maitai o te aau, e te maitai o to'u nei parahi raa, i nia e i te mau mea toa e roaa mai no roto i te faaipoipo raa i tehoe tamabine Arii; e rahi ae'ia tou nei puai, no te mea, e rahi atoa tou tiamaraa.

Te mau pahi i tapae mai, mai te mahana 4 mai a no Me.

Tira toru marite o *Orpheus*, tapeua West, mai Vailhi mai.

Patia ia marite o *Congaree*, tapena Mallery, mai Matuita mai.

Tira piti marite o *Excel*, tapena Corwin, mai Raiatea mai.

Tira piti manua o te Hau *Tanemanu*, tapena Mabire, mai Matuita mai.

Tira piti Raiatea o *Eunice*, tapena Blackett, mai Borabora mai.

Te mau pahi i reva.

Tira toru beremani o *Cesar-Helene*, tapena Rock, ua reva i Tarifonia.

Tira piti farani o *Hanals* tapena Bennett, ua reva i Tuamotu.

Tira piti rimatara o *Tane*, tapena Mote, ua reva i Rurutu.

PARAU FAAITE.

Te faaite nei o JOHN OSBORNE, taata hoo uina i Papeete, i te taata toa, e i na mahana i mairi aenei, ua eia hia tehoe parahi raa puaabofenua nana, mai te parahi raa atoa a te mau mutoi farani ra te huru. O te taata e itea iana taua parahi raa ra, e o te faahoi mai ia Miti Osborne ra, e aufau hia tu ia tana moni e 30 farane.

Te ee no te Tavana : BRIOT.